

封建

名宦一

湖南全省掌故備考
申

封建

名宦

湖南全省掌故備覽

湖南全省掌故備考卷二十五

封建

上古

露氏參盧故炎帝榆罔軒轅氏封路史露參盧之封茶陵露水鄉有
露水山予訪炎陵稽其始封字亦作潞蓋商周間衍於河東北爾
青陽氏妣黃帝子路史青陽國今長沙

蠻氏龍苗黃帝子路史云今湖南北桂林等處皆是

淥氏圖高陽氏封路史淥淥圖國今長沙淥水是

三苗氏姓釐高陽氏後吳子三苗氏左洞庭右彭蠡史記正義云以天

子在北故洞庭在西爲左彭蠡在東爲右今江州鄂州岳州三苗

之地也杜氏通典曰今潭州岳州衡州皆古三苗國地

祝融氏重黎高陽氏曾孫高辛氏封按楚世家楚之先出自帝顓頊
高陽高陽生稱栢生卷章卷章生重黎爲帝嚳火正命曰祝融火
正旣爲官名則祝融其國號矣又曰其弟吳回復爲祝融是又誤
以爲官稱蓋史遷雜采諸書故致斯謬或以重黎爲二人則大戴
記亦以爲一人不獨史公也

虞

有庫氏象有虞氏舜弟庫一作鼻水經注應陽五里有鼻墟山下有
象廟顏師古漢書注舜封象於有鼻今鼻亭

長沙姓姚有虞氏後路史長沙緯子姓所封攷逸周書王會解長沙鼈

孔晁無注今按篇中皆紀各國所獻方物則長沙亦國名殆卽舜
後而至周初猶存者矣

巴陵姚姓有虞氏後路史巴陵舜子姓所封

商

倉吾高陽氏後見路史按倉吾卽蒼吾舜葬蒼梧今九疑則倉吾兼
得今永州地

桂高陽氏後路史桂國見伊尹四方令經云八桂在賁禺東蓋桂陽
也按桂陽今郴桂陽二州及廣西連州地

周

楚子芊顓頊後武王封東遷後廣地至南海

羅子姓熊高陽氏後桓王時楚子貲徙之按漢書地理志長沙國羅注
應劭曰楚文王徙羅子自枝江居此路史初封在襄之宜城後徙
江陵之枝江周東乃定長沙今潭之湘陰東北六十里有羅故城
糜子姓熊高陽氏後按路史注云岳志以岳之巴陵爲糜子國地有兩
城陞尙存相去十里糜本國在今鄖陽此楚并其地而徙之者今
衡山地志亦以爲糜子所徙蓋又自巴陵再徙如羅子者也
許男姓姜大岳後敬王時楚遷之路史容城許所遷定四年楚城今岳
之華容

漢

長沙文王吳芮高帝五年以從平秦亂有功封見漢書本傳及異姓

諸侯王表

長沙定王劉發景帝子孝景二年封見漢書本傳及諸侯王表

羅侯薊瓌扶風平陵人永元五年以帝舅夏陽侯徙封見後漢書薊
融傳按羅今湘陰平江二縣地

羅侯鄧騭南陽新野人初以太后兄封上蔡侯建光元年徙封見後
漢書本傳

醴陵侯越高后四年四月以長沙相封邑六百戶見漢書高惠高后
文功臣表按西京無醴陵縣後漢始置禹貢又東至于澧鄭康成
以爲醴陵則其得名已久

湘南侯黃龍延光四年以定策立濟陰王爲皇帝侯五千戶見後漢

書宦者傳按湘南今湘潭衡山縣地

益陽亭侯馬昌南陽棘陽人延熹二年以四世祖成中興功臣紹封
見後漢書馬成傳按郡國志有益陽縣卽今縣此蓋其縣之亭也
湘鄉侯劉昌長沙王子建平四年封見漢書王子侯表

茶陵節侯劉訢長沙定王子元朔四年封見漢書王子侯表按茶陵
地理志屬長沙國師古曰茶音弋奢反則今茶陵也而王子侯表
注云桂陽蓋漢制王子侯食邑例別屬漢郡表從當時之制書之
及訢子哀侯無嗣邑仍領屬長沙故地理志長沙國有茶陵縣非
表之誤也

承陽侯劉景長沙刺王子元始五年封見漢書王子侯表按表注師

古同承音丞字或作丞今衡陽也

鍾武節侯劉度長沙頃王子元康元年封見漢書王子侯表按鍾武地理志屬零陵郡今爲衡陽縣地

眾陵節侯劉賢長沙定王子元朔五年封見漢書王子侯表按眾陵卽泉陵地理志泉陵侯國屬零陵郡今零陵縣地

春陵節侯劉買長沙定王子元朔五年封見漢書王子侯表按地理志春陵屬零陵郡今道州地

昭陽侯劉賞長沙刺王子元始五年封見漢書王子侯表按地理志昭陽屬長沙國今邵陽

都梁敬侯劉定長沙定王子元朔五年封見漢書王子侯表按都梁

地理志屬零陵郡今武岡州及城步縣地

夫夷敬侯劉義長沙定王子元朔五年封見漢書王子侯表按地理志夫夷侯國屬零陵郡今新甯縣

下雋侯陳子延光四年以中常侍建策立濟陰王爲皇帝侯邑四千戶見後漢書宦者傳按下雋續漢書郡國志屬長沙郡今巴陵臨湘及湖北崇陽通城地

容陵侯劉福長沙定王子元光六年封見漢書王子侯表按容陵地理志屬長沙國攷左氏春秋許遷於容陵杜注地闕解者以爲今華容則此容陵亦當爲華容

龍陽敬侯陳署高帝八年九月封邑千戶見漢書高惠高后文功臣

表按龍陽三國吳如置縣署所封蓋鄉亭國除仍爲鄉亭故漢書地理志武陵無龍陽縣也

漢壽亭侯關羽河東解人建安五年以偏將軍從司空曹操破斬袁紹大將顏良封見蜀志本傳按漢壽續漢書郡國志屬武陵郡今武陵龍陽及沅江縣地一云漢壽武陵縣亭

路陵侯劉章長沙定王子元朔四年封見漢書王子侯表按路陵史記作洛陵其邑卽今澧浦城側之洛陽城也當屬武陵而地理志不著者無久卽廢

義陵侯吳郡高帝九年以長沙桂陽國封邑千五百戶見漢書高惠高后文功臣表按義陵地理志屬武陵郡今澧浦縣

沅陵侯吳陽孝惠元年以父長沙王功封見漢書高惠高后文功
臣表按沅陵地理志屬武陵郡今沅陵瀘溪又錯入龍山縣地
便頃侯吳淺孝惠元年以父長沙王功封邑二千戶按便地理志屬
桂陽郡今永興縣

澹津亭侯士孫萌扶風平陵人以父瑞與誅董卓功封見三輔決錄
按王粲贈萌詩悠悠澹澹水經注澹水入澧水則澹津亭在今澧
州

魏

臨湘侯全懌吳郡錢唐入甘露二年以吳將降封見吳志全琮傳按
臨湘今長沙善化二縣地

祁陽伯司馬亮河內溫人咸熙元年封見晉書汝南文獻王傳

吳

長沙桓王孫策大帝 吳黃龍元年追封見吳志本傳

臨湘侯步騭臨淮淮陰人黃武二年封見吳志本傳

劉陽侯潘濬武陵漢壽人黃龍元年封見吳志本傳

醴陵肅侯顧雍吳郡吳人黃武四年封見吳志本傳

建昌侯孫慮吳大帝子黃武七年封見吳志本傳按輿地紀勝載臨

湘縣有孫慮鬬鴨 鬬謂地卽慮封邑攷宋書晉武帝于巴陵立建

昌郡疑先有此縣而後郡名因之也與江州之建昌異地

廩陵侯呂蒙汝南富陂人建安二十四年以克荊州功封見吳志本

傳按續漢志房陵縣屬武陵郡故城在今湖北公安縣西三十里
今華容縣亦其地

晉

長沙厲王又武帝第六子太康十年封見晉書本傳

長沙桓公陶侃潯陽柴桑人初以甯遠將軍南蠻校尉封柴桑侯四
百戶咸和四年以征西大將軍平蘇峻進封三千戶見晉書本傳

臨湘公孫惠吳國富陽人永嘉四年封見晉書本傳

臨湘穆侯紀瞻丹陽秣陵人建興中以丞相軍諮祭酒直論討陳敏

功封見晉書本傳

臨湘侯車允南平人太元中封見晉書本傳

建甯公溫嶠太原人太甯二年以平王敦功封千八百戶見晉書本傳按建甯今湘潭縣地

新康子陸諲吳郡吳人咸和中以父煜勛封見陸煜傳按新康今甯鄉縣地

益陽敬侯卞敦濟陽宛句人太甯二年以預計王敦封千六百戶見晉書本傳

新甯男蒯男蘭陵承人隆安五年封食邑五百戶見宋書本傳按新甯今常甯縣地

營道侯沈田子吳興人義熙初以從劉裕克平京邑封見宋書本傳按營道今甯遠縣地

邵陵公蘇峻長廣掖人太甯二年以淮陵內史豫破沈充封一千八

百戶咸和三年犯關後伏誅見晉書本傳按邵陵今邵陽縣地

武岡男劉牢之彭城人太元九年以平苻堅功封見晉書本傳

吳昌侯孫盛太和中都人永和十二年以從事中郎從大司馬桓溫

平洛封見晉書本傳按吳昌今平江縣地

華容公劉道規彭城人以平桓玄功封見宋書本傳

武陵莊王司馬澹琅邪武王次子初封東武公五千二百戶後徙封

見晉書本傳

漢壽子王鎮惡以安遠護軍武陵內史封五百戶見宋書本傳

遷陵侯毛德祖滎陽武人義熙中封見晉書本傳按遷陵今保靖

縣地

桂陽公桓元譙國龍亢人隆安三年封見晉書本傳

桂陽公劉義真彭城人義熙中以父裕功封見宋書本傳

柳伯陶旗陽陽柴桑人咸和中以父侃功高封見晉書本傳

南平公劉毅彭城沛人義熙中以平桓玄功封食邑五千戶見晉書

本傳按南平今藍山縣

宋

長沙景王劉道憐武帝仲弟永初元年六月封見宋武帝紀及少帝

紀

羅侯孫超之吳縣人泰始中以討晉安王子勛苦戰斷賊糧運功封